

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

02. Allaffeqarfimmiit oqaasiinnartigut paasissutissiissutit

Imm. 2.1 Allaffeqarfimmiit oqaasiinnartigut paasissutissiissutit

03. Aningaasaqarnermut tunngasut

Imm. 3.1 Atugarissaarnermut ataatsimiititaliap aningaasaqarnikkut oktober 2021 nalunaarutaa – Atugarissaarnermut immikkoortortaqarfik - Sisimiut

Imm. 3.2 Atugarissaarnermut ataatsimiititaliap aningaasaqarnikkut oktober 2021 nalunaarutaa – Atugarissaarnermut immikkoortortaqarfik - Maniitsoq

Imm. 3.3 Ansøgning om tillægsbevilling. PISOQ, Sisimiut. EFTERSENDES

04. Suliassat nalinnaasut

Imm. 4.1 Atugarissaarnermut Ataatsimiititaliap 2022-mi ataatsimiiffissaannut siunnersuutit.

06. Paasissutissiissutit

Imm. 6.1 Innarluutilinnut siunnersooqatigiinnut malittarisassaasut nutartikkat pillugit ilisimatitsissut

Imm. 6.2 Naalakkersuisut Qeqqata Kommuniata innarluutilinnut suliassaqarfimmi aqutsinera pillugu nakkutilliineranit nalunaarutiaq pillugu paasissutissiineq

Imm. 6.3 Inuusuttut innarluutilillit avannaamioqatigiit isumasioqatigiissimanerat pillugu ilisimatitsineq

Imm. 6.4 Innuttaasut tarnikkut ikiortinnissaminnut periarfissaminnik ilisimasaasut pillugit MIO’p nalunaarutiaq pillugu paasissutissiineq

Imm. 6.5 Pisortanit ikiorsiissutit pillugit Inatsisartut inatsisissaannut siunnersuummut tusarniaassut pillugu akissummut ilisimatitsineq

Imm. 6.6 Suliffissarsiornermi ikiorsiissutinut Inatsisartut inatsisissaannut siunnersuut pillugu tusarniaannermi akissuteqaat pillugu ilisimatitsineq

Imm. 6.7 Isumaginninnermik suliassaqarfimmi pissaanermik atuneq pillugu Inatsisartut inatsisissaannut siunnersuummut tusarniaassut pillugu akissummut ilisimatitsineq

Imm. 6.8 Politiit qaammarsaanerat pillugu ilisimatitsineq

08. Tamalaat

Imm. 8.1 Tamalaat

Ataatsimiinneq aallartippoq nal. 09:04

Peqataasut:

Inuit Ataqtigiit

Juliane Enoksen, siulittaasoq, Sisimiut

Agathe Fontain, Sisimiut kingusinnerusukkut peqataalerpoq nal. 09:33 imm. 6.1 nalaani.

Siumut

Barnabas Larsen, Kangaamiut

Aqqalu Skifte, Maniitsoq

Naleraq

Jens M. Lyberth, Kangaamiut

Nalunaaruteqarlutik peqataanngitsut:

Kirstine Olsen, siulittaasup tullia Sisimiut

Nalunaaruteqaratik peqataanngitsut

Imm. 01 Oqaluuserisassat akuersissutigineri

Aalajangiineq

Akuersissutigineqarpoq.

02. Allaffeqarfimmiit oqaasiinnartigut paasissutissiissutit

Pisortaneq uku qulequttat pillugit ilisimatitsissuteqarpoq:

- ESDH pillugu sulisut ataatsikkut pikkorissarneqartussaammata immikkoortortaqarfimmi suliassat agguataarnissat suliarineqassaaq

- Illoqarfinni atugarissaarnermut immikkoortortaqarfiisa pisortai immikkut ilisimatitsissuteqartalissapput ataatsimiinneq tullia aallarnerfigalugu.

- Familiecenter-it assigiissarneqaleruttorput, suliarlu sivilissangatinneqarpoq.

Sisimiuni pisortamit uku qulequttat ilititsissutigineqarput:

Inatsisartut Ombudsmandiat maani pulaarluni sulianik misissuivoq taakku meeqqat

angerlarsimaffimmit inissineqarsimasut angerlateqqinneqarsimasullu pillugit tunngassuteqarput.

Ullut marluk aamma Qupanummi suliaqarluni pulaarpoq. Nalunaarusiaa ataatsimiititaliamut saqqummiunneqarumaarpoq.

- Revision BDO sulianut siusinaarlutik pensionisiaqalersimasunut aammalu utoqqaliaqalersimasunut tunngasunik misissuipput ulluni makkunani.

- Immikkoortortaqarfiup aqqissuussaanera sulisut peqatigalugit suliarineqarpoq. Ydelseskontor-imik pilersitsisoqarnissaa siunertaavoq.

Maniitsumi pisortamit uku qulequttat ilititsissutigineqarput:

- Aqutsisut 10 tunngaviusumik aqutsisutut pikkorissareerlutik allagartartaarput.

- Immikkoortortaqarfiup aqqissuussaanera sulisut peqatigalugit suliarineqarpoq. Bistandsafdeling aammalu meeqqani inuusuttuaqqanilu immikkoortortaq ataatsimuulersinneqarnissaa siunertaalluni.

03. Aningaasaqarnermut tunngasut

Imm. 3.1 Atugarissaarnermut ataatsimiititaliap aningaasaqarnikkut oktober 2021 nalunaarutaa – Atugarissaarnermut immikkoortortaarfik - Sisimiut

Journalnr. 06.00.01

Tunuliaqutaq

Ukiup ingerlanerani ingerlatsivinni tamani atuiffiit pingaernerit qullersaqarfimmit nalunaarusiorneqartassapput. Matumuuna Atugarissaarnermut immikkoortortaarfik Sisimiut oktober 2021 nalunaarut saqqummiunneqarpoq.

Maleruagassatigut tunngavissat

Qeqqata Kommuniani karseqarnermut naatsorsuuserinermullu malittarisassat. Aningasaqarneq pillugu nalunaarusiortarneq, missingersuutitigullu malinnaatitsisarnissaq pillugu Qeqqata Kommuniani ilitsersuut.

Pissutsit atuuttut

Atuineq ukiumut tamarmiusumut siammaraanni, atuinerit 83,3 %-miissapput. Atugarissaarnermut immikkoortortaarfik Sisimiut atuineq katillugu 98%-mik annertussuseqarpoq, aningaasanngorlugu 144.543.246 koruunit aningaasaliissutinit 148.128.507 koruuniusunit. Oktober-ip naanerani 2021-imi 14,7%-mik atuiffiunerulluni aningaasanngorlugu 21.774.890 koruunit.

Atuiffik 5520 - Ilaqutariinnermut immikkoortortaarfik Sisimiut

Eqitsit 1

Afdeling	Navn	Budget 2021	Slutsaldo	Forbrugs pct.
551020100	SIS Børne- og Familieafdeling	26.327.209	37.189.981	141
551020201	SIS Familiecenter	5.776.664	4.206.445	73
551020202	SIS Herberg	1.968.000	739.324	38
551030100	SIS Ældre og Førtidsafdeling	20.571.665	20.239.425	98
551030201	SIS Hjemmehjælp	4.828.711	4.116.195	85
551030202	SIS Plejehjemmet	27.538.737	22.944.058	83
551040100	SIS Handicapafd	33.284.961	25.944.378	78
551040202	SIS Boenhed 2 "PISOQ"	15.576.942	20.569.442	132
551040301	SIS Værested Sannavik 1	3.907.990	2.577.982	66
551040302	SIS Værested Sannavik 2	0	2.334	0
551040303	SIS Handicap værestedet IVIK	310.644	77.514	25
551050000	SIS Bistandsafdeling	8.036.984	5.936.168	74
		148.128.507	144.543.246	98

Atuiffik 551020100 Meeqqanut ilaqutariinnullu tunngasoq ulloq unnuarlu angerlarsimaffinnut akiliutinut atuivallaarneq Kommunalbestyrelse-p november 2021 tapiissutit akuersissutai matumani ilaangillat, akuersissutillu atuiffimmut iluarsiissutissat immikkoortortaarfimmit suliarineqarput

Atuiffik 551040202 "Pisoq" atuivallaarneq Atugarissaarnermut Ataatsimiititaliamut november-ip naaneranut ataatsimiinnissamut tapiissutitut qinnuteqaat ingerlanneqarluni
Atuiffik 551030100 siusinaartumik pensionisiat pillugit atuiffik nalimmassarlugu aningaasanik immikkut qinnuteqaateqarnissamut suliamik ingerlatsisoqarpoq.

Immikkoortortat ataasiakkaat aqutsisui qanimut suleqatigalugit atuiffinnik kukkusumillu atuiffinnut akilersuisimanerit atuiffinnut eqqortunut nussorlugit ingerlataqarput, atuineruffiusussat immikkut aningaasaliiffigineqarnissaannik qinnuteqaammik ingerlatsisoqareerpoq.

Aningaasaqarnermut immikkoortortaq suleqatigalugu atuiffinnik iluarsaassineq ingerlanneqarpoq

Allaffeqarfiup naliliinera

Atugarissaarnermut immikkoortortaqarfik naliliivoq, aningaasaqarnermut nalunaarusiaq kvartal-ip pingajuanni akiligassat annertuut, pingaartumik innarluutillit qallunaat nunaanni aammalu nunatsinni ulloq unnuarlu paaqqinnittarfinniittut akiligassat kingusinaartumik takkuttarneri tunngavigalugit susasaqartut attavigiortorneqarput akiligassat ukioq atuiffiusoq naannginnerani nassiunneqarlutik akilerneqarnissaat qulakkeerniarlugu. Kiisalu siusinaartumik pensionisiallit tamakkiisumik kommunip aningaasaqarneranut nammattussaalernera tunngavigalugu iluarsiiissutissat nikingassutit nalimmassarnissaat pissutigalugit aningaasaliissutinut ilassutissatut qinnuteqaat ingerlanneqarpoq

Innersuussut

Atugarissaarnermut immikkoortortap Sisimiuni Atugarissaarnermut ataatsimiititaliamut innersuussutigaa

- Qaammat oktober 2021-imi nalunaarusiaq tusaatissatut tiguneqassasoq.

Aalajangiineq

Innersuussutigineqartoq tusaatissatut tiguneqarpoq.

Ilanngussaq

1.

**Imm. 3.2 Atugarissaarnermut ataatsimiititaliap aningaasaqarnikkut oktober 2021
nalunaarutaa – Atugarissaarnermut immikkoortortaqarfik - Maniitsoq**

Journalnr. 06.00.01

Tunuliaqutaq

Ukiup ingerlanerani ingerlatsivinni tamani atuiffiit pingaarnert qullersaqarfimmit nalunaarusiorneqartassapput. Matumuuna Atugarissaarnermut immikkoortortaqarfik Maniitsumi oktober 2021 nalunaarut saqqummiunneqarpoq.

Maleruagassatigut tunngavissat

Qeqqata Kommuniani karseqarnermut naatsorsuuserinermullu malittarisassat. Aningasaqarneq pillugu nalunaarusiortarnek, missingersuutitigullu malinnaatitsisarnissaq pillugu Qeqqata Kommuniani ilitersuut.

Pissutsit atuuttut

Atuineq ukiumut tamarmiusumut siammaraanni, atuinerit 83,3 %-miissapput. Atugarissaarnermut immikkoortortaqarfik Maniitsoq atuineq katillugu 82,6 %-mik annertussuseqarpoq, aningaasannorlugu 98.831.541 koruunit aningaasaliissutinit 119.660.338 koruuniusunit. Oktober-ip naanerani 2021-imi 0,7%-mik atuinikiffiulluni aningaasannorlugu 837.622 koruunit.

Atuiffik 5520 - Ilaqtariinnermut immikkoortortaqarfik Maniitsoq

Eqitsit 1

Afdeling	Navn	Budget 2021	Slutsaldo	Forbrugs pct.
552020100	MAN Børne- og Familieafdeling	22.383.580	18.432.359	82,3
552020201	MAN Familiecenter	4.331.684	4.535.113	104,7
552020202	MAN Herberg	1.498.000	1.209.731	80,8
552030100	MAN Ældre og Førtidspension	12.730.238	14.193.626	111,5
552030201	MAN Hjemmehjælp	5.007.968	4.505.619	90,0
552030202	MAN Hjemmehjælp Kangaamiut	3.309.110	2.709.908	81,9
552030203	MAN Neriusaaq Plejehjemmet	24.028.455	16.817.040	70,0
552030204	MAN Plejehjemmet Kangaamiut	0	363.995	0
552040100	MAN Handicapafd	32.868.020	26.336.828	80,1
552040301	MAN Bofællesskabet Miki	5.948.043	5.830.489	98,0
552040400	MAN Naapiffik, værested	1.222.203	866.715	70,9
552050000	MAN Bistandsafdeling	6.333.037	3.010.118	47,5
		119.660.338	98.831.541	82,6

Atugarissaarnermut immikkoortortaqarfimmi Maniitsumi atuiffinnik iluarsaassineq ingerlanneqarpoq, atuineruffiusussat immikkut aningaasaliiffigineqarnissaannik qinnuteqaammik ingerlatsisoqareerpoq.

Aningasaqarnermut immikkoortortaq suleqatigalugu atuiffinnik iluarsaassineq ingerlanneqarpoq

Allaffeqarfiup naliliinera

Atugarissaarnermut immikkoortortaarfik Maniitsoq naliliivoq, aningaasaqarnermut oktober-imut nalunaarusiaq atuiffinnik iluarsaassinerup kingorna ersarinnerusumik immikkoortortat ersarinnerusut atorlugit nalunaarusiortoqassasoq. Ilassutissatut qinnuteqaatit ingerlanneqareersut aallaavigalugit naatsorsuutigineqarpoq ukiup naanerani atuiffiusinnaasut iluini atuisoqarnissaa.

Innersuussut

Atugarissaarnermut immikkoortortap Maniitsumi Atugarissaarnermut Ataatsimiititaliamut innersuussutigaa

- Qaammat oktober 2021-imi nalunaarusiaq tusaatissatut tiguneqassasoq.

Aalajangiineq

Innersuussutigineqartoq tusaatissatut tiguneqarpoq.

Ilanngussaq

Imm. 3.3 Ansøgning om tillægsbevilling. Pisoq, Sisimiut. EFTERSENDES

Pisortaaneq ilisimatitsivoq suliaq suli naammassineqanngitsoq taamaammallu Atugarissaarnermut Ataatsimiititaliaq immikkut ittumik ataatsimiissaaq ulloq 7. december 2021, taamaasullunilu taamatuttaaq Aningaasaqarnermut Ataatsimiititaliaq ullaq 14. december 2021 aammalu Kommunalbestyrelse ulloq 21. december 2021 immikkut ittumik ataatsimiissutigissagaat.

04. Suliassat nalignnaasut

Imm. 4.1 Atugarissaarnermut Ataatsimiititaliap 2022-mi ataatsimiiffissaannut siunnersuutit.

Journalnr. 01.02.03

Tunuliaqutaq

Atugarissaarnermut Ataatsimiititaliap 2022-mi ataatsimiiffissaannut siunnersuutit.

Allamik nalunaartoqarsimatinnagu ataatsimiinnerit tamarmik nal. 09.00 aallartittassapput oqarasuaatikkut/videokonferenciluunniit atorlugu ingerlanneqartassallutik.

Ulluni suliffeqarfinni pulaarfiusussani pulaarnerit piffissami uani inissinneqassapput nal. 08:30-miit nal. 10:00 tungaanut.

Atugarissaarnermut Ataatsimiititaliap	Aningaasaqarnermut Ataatsimiititaliap	Kommunalbestyrelsi
18. januar		
08. februar	15. februar	24. februar
08. marts	15. marts	
12. april	19. april	28. april
10. maj	17. maj	25. maj
07. juni	14. juni	
02. august	16. august	25. august
13. september	20. september	29. september
04. oktober	18. oktober	27. oktober
1. november	15. november	24. november
29. november	13. december	

Innersuussut

Allaffeqarfiup qulaani 2022-mi ataatsimiiffissatut siunnersuutigineqartut Atugarissaarnermut Ataatsimiititaliamut innersuussutigissavai akuereqqullugit.

Aalajangiineq

Kommunalbestyrelse-mi ataatsimiiffissat allanngortinneqarnikuunerat malitsigalugu Atugarissaarnermut Ataatsimiititaliami ullut ataatsimiittarfissat sisamanngornikkut nal. 12:00-imiit ingerlanneqartalissapput taakkulu Atugarissaarnermut Ataatsimiititaliami ilaasortanut email-ikkut nassiussuunneqassapput.

Ilanngussaq

1. 2022 Ullorsiutit

06. Paasissutissiissutit

Imm. 6.1 Innarluutilinnut siunnersooqatigiinnut malittarisassaasut nutartikkat pillugit ilisimatitsissut

Journalnr. XX.XX.XX

Tunuliaqutaq

Maleruagassat ullumikkut atuuttut 2009-meersut inatsit nutaaq naapertorlugu nutartigassaapput, kiisalu immikkoortut ilaanni ersarissagassaallutik.

Maleruagassatigut tunngavissat

- Inuit innarluutilit tapersorneqarnissaannut Inatsisartut inatsisaat nr. 13, 12. juni 2019-imeersoq.
- Inuit innarluutilit tapersorneqarnissaannut Namminersorlutik Oqartussat nalunaarutaat nr. 29, 7. august 2020-meersoq

Pissutit atuuttut

Innarluutilinnut siunnersuisooqatigiit 2008-mili pilersinneqaramik malittarisassaasarsimapput, ilaatigut siunnersuisooqatigiit katitigaanerannik, qinigaaffiup sivissusaaqanik, siunnersuisooqatigiit siulittaasuaqanik taasisarneq pillugu il.il. aaliangersaasunik.

Taamaattorli inatsit ullumikkut atuuttoq aallaavigalugu malittarisassaasut nutarterneqarnissaat pisariaqalersimavoq, ilaatigut siunnersuisooqatigiit katiterneqarnerannik, amerlassusaannillu aaliangersaammat. Suleqatigiissitaq atugarissaarnermut ningiuninik, innarluutilinnut immikkoortortami aqutsisuiunik, kiisalu pisortat sulisuiunik inuttalik, ullumikkut inatsit atuuttoq aallaavigalugu malittarisassaasut nutarterpaat, taamaasillutik siunnersuisooqatigiit sulinerminni sinaakkutaat ersarissumik allaaserineqarlutik.

Malittarisassaasut nutartikkanut missingiutit imak qulequtakkaarlutik agguarneqarput:

- Siunertaq
- Siunnersuisooqatigiit katitigaanerat atugassarititaallu
- Siunnersuisooqatigiit suleriaasiat
- Siunnersuisooqatigiit suliassaasut
- Nipangiussisussaasutitaaneq

Malittarisassaasut nutaat nutaanningsutillu assigiinngissutaat siullertut tassaavoq ilaasortat amerlassusaasut siornatigut 12-iusimasoq – imaappoq qeqqata kommuniata illoqarfiinit tamanit arfinillit, massakkut inatsit atuuttoq aallaavigalugu 8-mut apparneqarpoq.

Assigiinngissutit aappaat tassaavoq ilaasortat suaasusaasut sapinngisamik oqimaaqatigiinnissaanik piimasaaqat, imaappoq angutit arnallu sapinngisamik amerlaqatigiinnissaat.

Ilaasortat sinniisoqalernissaat pingajuattut assigiinngissutaavoq, ilaasortat arlaannik peqquteqarlutik ataatsimiinnissamut peqataasinnaanginneranni peqataasartussanik.

Taassumap saniatigut immikkoortunik arlariinnik ilanngussisoqarpoq ilaatigut ilaasortaaneqarpoq kajumissuseq aallaavigalugu aningaasarsiorfiunngitsumik aalajangersaasumik kiisalu Qeqqata Kommunianit nuunnermi ilaasortaaneq taamaatinneqarnissaanik aalajangersaasumik.

Atuilluartuunissakkut kingunerisinnaasai

Maleruagassat nutaat Innarluutilinnut Siunnersuisooqatigiivisa siunertaanik, atuuffianik kiisalu suleriaasianik paasininnissamut siuarsaaqataassapput.

Aningaasaqarnikkut allaffissornikkullu kingunerisinaasai

Allattoqarfeqarnermut tunngasunik suliassanut kommuuni pisussaatitaavoq ikiutissalluni.

Innarluutilinnut siunnersuisooqatigiit 2008-mili pilersinneqarneraniilli kommuuni allaffissornikkut ikiuuttarsimavoq sulianut aningaasaqarnerup allaffissornerullu tungaatigut taasarialimmik malunnaataannigsumik.

Allaffeqarfiup naliliinera

Allaffeqarfiup nalilerpaa paragraffit ilanngunneqartut Innarluutilit Siunnersuisooqatigiit suliaanik suliassaqaarfiinillu paasinninnerulernissamut pilersitsissasut.

Nutaatut maleruagassani allassimalerpoq siunnersuisooqatigiiffik susassaqaartunut ataatsimeeqatiserinninnissamut periarfissaqaartut, soorlu assersuutigalugu innarluutilit eqaarsaartartut peqatigiinnik, imaluunniit peqatigiiffiit susassaqaartut assigisaannillu. Aamma nutaatut allassimalerpoq siunnersuisooqatigiit kommunimi suliniutissanut siunnersuuteqarnissaminnut periarfissaqaartut, taamaattorli kommunip siunnersuutit malinnissaat pisussaaffiginngikkaat. Paragraffit nutaat siunertaraat siunnersuisooqatigiit Qeqqata Kommuniani inuit innarluutilit atugaannik pitsannorsaannissaminnut kajuminnerulersinnissaat.

Innersuussut

Atugarissaarnermut Immikkoortortaqaarfiup Atugarissaarnermut Ataatsimiititaliamut innersuussutigaa:

- Innarluutilinnut siunnersuisooqatigiiffiup malittarisassaataat nutartikkat pillugit ilisimatitsissut tusaatissatut tigussagaat.

Aalajangiineq

Innersuussutigineqartoq tusaatissatut tiguneqarpoq.

Ilanngussat

1. Innarluutilinnut siunnersuisooqatigiit malittarisassaataat nutartikkat
2. Innarluutilinnut siunnersuisooqatigiit malittarisassaataat nutaanngitsut

Imm. 6.2 Naalakkersuisut Qeqqata Kommuniata innarluutilinnut suliassa qarfimmi aqutsinera pillugu nakkutilliineranit nalunaarusiaq pillugu paasissutissiineq

Journalnr. 47.00

Tunuliaqutaq

Aningaasanut Nunamullu Namminermut Naalakkersuisoqarfiup ulloq 30. Septemperi 2021
“Qeqqata Kommuniata innarluutilinnut suliassa qarfimmi aqutsinera pillugu nalunaaruteqaqqaarluni
nakkutilliineq april – maj 2021” Qeqqata Kommunianut nassiuppaa.

Maleruagassatigut tunngavissat

- Isumaginnittoqarfiup aqunneqarnera aqqissuussaaneralu pillugit Inatsisartut peqqussutaat nr. 11, 12. November 2001-imeersoq
- Isumaginninnermi suliassa qarfimmi nakkutilliisarneq pillugu Namminersorlutik Oqartussat nalunaarutaat nr. 22, 24. Juni 2020-meersoq
- Inuit innarluutilit tapersorsorneqarnissaannut Inatsisartut inatsisaat nr. 13, 12. Juni 2019-imeersoq
- Inuit innarluutilit tapersorsorneqarnissaannut Namminersorlutik Oqartussat nalunaarutaat nr. 29, 7. August 2020-meersoq
- Pisortat ingerlatsineranni suliassat suliarineqartarnerat pillugu Inatsisartut inatsisaat nr. 8, 13. Juni 1994-imeersoq
- Meeqqat tapersorsorneqarnissaannut Inatsisartut inatsisaat nr. 20, 26. Juni 2017-imeersoq
- Meeqqat tapersorsorneqarnissaannut Namminersorlutik Oqartussat nalunaarutaat nr. 16, 8. Novembari 2017-imeersoq

Pissutit atuuttut

Taamanikkut Isumaginninnermut, Ilaqutariinnermut Inatsisinillu Atuutsitsinnermut
Naalakkersuisoqarfiusimasup Qeqqata Kommuniata innarluutilinnik suliassa qarfiup iluani
isumaginninnermut maleruagassanik ingerlatsivimmi aqutsinermik nakkutilliineq ulluni 12. April
2021- 13. Maj 2021 tikillugu ingerlappaa.

Qulaani inatsisit taaneqartut naapertorlugit kommuni sulinersoq Naalakkersuisut misissuineratigut,
kommunip Innarluutilinnut inatsisinik ingerlatsivimmi aqutsinera allaffissornikkullu aqutsineranik
nakkutilliinissaq siunertarineqarpoq, tassani meeqqat inersimasullu sullinneqarnerat tamarmik
pineqarlutik.

Naalakkersuisoqarfik nakkutilliinnermi nalunaarusiamini suliat Sisimiuniittut 21-t, taakkunani suliat
arfineq pingasut meeqqanut innarluutilinnut tunngasut, suliat qulingiluat inersimasunut
innarluutilinnut tunngasut, kiisalu suliat sisamat 2020-mi nalunaarsimanermik imaqartut
makissimavaat misissorlugillu.

Naalakkersuisoqarfiuttaaq Maniitsumi suliat 12-it, taakkunani suliat pingasut meeqqanut
innarluutilinnut tunngasut, suliat qulingiluat inersimasunut innarluutilinnut tunngasut makillugillu
misissorsimavaat.

Suliat makinneqartut misissornerini pissutsit assigiinngitsut sullissinnermilu amigaataasut
nalunaarusiami uparuartorpaat, kommunip isummerfigalugillu suliniuteqarfiginissaanut
allaaserinnittumik nalunaarusiorfigisassaanik.

Atuilluartuunissakkut kingunerisinnaasai

Nalunaarusiap kommuni sullissinermi amigaataasut kukkussutillu eqqumaffiginerunissaanut periarfissiivoq, sullissinerullu assersuutigalugu inatsisinut atuuttunut naapertuuttunik ingerlatseriaatsinik malitassanik pilersitsinikkut pitsanngorsarnissaanik aqutissiulluni. Nalunaarusiattaq aqutisooqatigiit ajornartorsiutinik illoqarfinni marluusuni pigineqartunut aaqqiissutinik ujartueqatigiinnissamut ataatsimuulersitsivoq, kiisalu aqutisooqatigiit iliuuserisartakkaminnut imminnut isumassarsiorfigeqatigiipput. Tamannalu ingerlatsinermi assigjaartumik Sisimiuni Maniitsumilu immikkoortuni ingerlariuseqarnissamut aamma aqutissiueqataavoq.

Aningaasaqarnikkut allaffissornikkullu kingunerisinaasai

Nakkutilliinermut nalunaarusiaq aningaasaqarnikkut allaffissornikkullu kinguneqarnissaa naatsorsuutigineqanngilaq.

Allaffeqarfiup naliliinera

Nakkutilliinermut nalunaarusiaq pissutsinik ilungersunartunik kommunip tuaviortumik aaqqivigisassaanik uparuartuimmat, allattoqarfiup nalilerpaa immikkoortortami inatsisit malinneqarnissaat ukkatarineqarnerusariaqartoq. Nakkutilliisoqareerneratalu kingorna aamma aaliangersimasunik suleriuseqarnissaq malitassanik qulakkeerutinillu, sullissinerup pitsaassusaanik siuarsaasussanik qulakkeerinninnissaq ukkatarineqarnerulersimavoq.

Innersuussut

Atugarissaarnermut Immikkoortortaqarfiup Atugarissaarnermut Ataatsimiititaliamut innersuussutigaa:

- Naalackersuisut nakkutilliinermi nalunaarusiaat ilisimatitsissutigineqarnera tusaatissatut tigussagaat.

Aalajangiineq

Innersuussutigineqartoq tusaatissatut tiguneqarpoq, nalunaarusiamilu uparuaataasimasunut iluarsiissutinik suliaqarneq pillugu Atugarissaarnermut Ataatsimiititaliap piumasaraa malinnaatinneqartarnissani.

Ilanngussat

1. Qeqqata Kommuniata innarluutilinnut suliaasaqarfimmi aqutsinera pillugu nalunaaruteqaqqaarluni nakkutilliineq april – maj 2021

Imm. 6.3 Inuusuttut innarluutilillit avannaamioqatigiit isumasioqatigiissimanerat pillugu ilisimatitsineq

Journalnr. XX.XX.XX

Tunuliaqutaq

Tilioq qallunaat nunaanni norgemilu inuusuttut innarluutilillit peqatigiiffii suleqatigalugit nunani avannarlernit inuusuttut innarluutilillit Danmarkimeersut, Norgemeersut nunatsinneersullu isumasioqatigiinnissaat aaqquissuuppaat ulluni 10. – 14. November 2021 ingerlanneqartussanngorlugu. Pisussanut pilersaarut workshopinik assigiinngitsunik imaqarpoq ilaatigut inuit innarluutilillit pillugit isumaqatigiissummut, nutaanik isumassarsiorluni ingerlataqarnermut, politikikkut sulinermit, attaveqaqatigiinnermut il.il. tunngassuteqartunik imaqarluni, soorlu aamma politikerinut inassuteqaatinik suliaqartoqarluni. Isumasioqatigiinneq Arctic Indigenous Fundimit, Nordisk Kulturkontraktimit, Nordic Youth Poolimit, NAPAmiit aamma Nordisk Velfærdscenterimit aningaasalerneqarsimavoq.

Maleruagassatigut tunngavissat

Soqanngilaq

Pissutit atuuttut

Nunat avannarlarmiut politikeriinut oqariartuutigineqartut innersuussutigineqartullu isumasioqatigiinneq naggaserlugu saqqummiunneqarput, Qeqqata Kommuniiani Borgmesterimit Malik Berthelsenimit aamma Meeqqanut, Inuusuttunut Ilaqutariinnullu Paneeraq Berthelsenimit malinnaaffigineqartumik.

Oqariartuutit innersuussutillu inuusuttut innarluutilillit ulluinnarni unammillernartut naapittagaannit aallaaveqarput, makkunna tunngasuullutik:

- Sullinneqarneq, ikiorserneqarneq aamma atortut ikiuutit
- Sulineq ilinniagaqarnerlu
- Tikikkuminassuseq
- Kiserliorneq ataatsimoornerlu

Isumasioqatigiittoqarnerani aamma Kalaallit Nunaanni inuusuttunut innarluutilinnut peqatigiiffimmik ”KIIP- Kalaallit Inuusuttut Innarluutilillit Peqatigiiffiat”-ianik atserlugu pilersitsisoqarpoq. Peqatigiinnermik, innarluutillu pillugit paaseqatigiiffiusumik kiisalu inuusuttut innarluutilillit akornanni kiserliorneq akiorniarlugu siunertaqartumik.

Atuilluartuunissakkut kingunerisinnaasai

Oqariartuutit innersuussutillu, innarluutilinnut immikkoortortami kommunitinnilu suut suliniuteqarfigineqarnissaanik aqqiivigineqarnissaanillu pisariaqartinneqarnersut pillugit kommunimut tikkuussisuussapput.

Isumasioqatigiinnerup inuusuttut innarluutilillit nunatsinneersut 17-iusut ataatsimoornermik misigitippaat, suliniuteqatigiinnikkullu, attaveqaqatigiinnikkut nipimillu ataatsimoorussamik peqalernikkut inuunerisa pitsaassusaanik qaffassaaqataasinnaavoq. Inuusuttut akornanni suleqatigiinnerup pilersinneqartup inuusuttut innarluutilillit akornanni amigaatigineqartut unammillernartullu pisortanut ersarinnerulernissaanut, oqariartuutiginissaanut piviusunngortinniarnissaanut sukataaqatigiinnissamut nukimik ataatsimoorussamik aqqutissiuisuussinnaavoq.

Ataatsimoornerisa inuusuttut assinganik pisariaqartitsisut saqqummerlutik isummaminnik annisisinnaanerini kajumissaarissaaq, taamaatuttaaq unammillernartut kisimik piginagit misigilissapput.

Aningaasaqarnikkut allaffissornikkullu kingunerisinaasai

Ilisimatitsinerup aningaasaqarnikkut kinguneqarnissaa naatsorsuutigineqanngilaq.

Allaffeqarfiup naliliinera

Inuusuttut innarluutillit oqariartuutaanni allassimasut Qeqqata Kommuniata innarluutillit pillugit politikkianni ukkatarineqartussanut assingupput, taamaammat oqariartuutigineqartut politikkip piviusunngortinniarnani atorneqarsinnaapput. Politikkimilu anguniarneqartussat pillugit iliuusissatut pilersaarusiornerni KIIP siunersiorneqarsinnaanera periarfissaanera atorluarneqarsinnaavoq.

Innersuussut

Atugarissaarnermut Immikkoortortaqarfiup Atugarissaarnermut Ataatsimiititaliamut innersuussutigaa:

- Inuusuttut innarluutillit isumasioqatigiissimanerat pillugu paasissutissiineq tusaatissatut tiguneqassasoq.

Aalajangiineq

Innersuussutigineqartoq tusaatissatut tiguneqarpoq, suliarlu Kommunalbestyrelse-mut ingerlateqqinneqassaaq.

Ilanngussat

1. Nunat Avannarlermiut Politikikkut Inassuteqaataat

Imm. 6.4 Innuttaasut tarnikkut ikiortinnissaminnut periarfissaminnik ilisimasaat pillugit MIO'p nalunaarusiaa pillugu paasisutissiineq

Journalnr. 42.10.07

Tunuliaqutaq

Nunatta meeqqat pisinnaatitaaffiit sullissiviata MIO'p kommunitut tamanut "Innuttaasut tarnikkut ikiortinnissaminnut periarfissaminnik ilisimasaat" pillugu nalunaarusiartik nassiuppaat ulloq 15. November 2021, killeqanngitsumik agguaatassanngorlugu.

Maleruagassatigut tunngavissat

Naalagaaffiit Peqatigiit Meeqqat Pisinnaatitaaffii pillugit Isumaqaatigiissutaat(meeqqat pillugit isumaqaatigiissut)

Pissutit atuuttut

HS Analyse MIO sinnerlugu inersimasut innuttaasut piffissani alianartumik nalaatsinerluffinnilu ikiortinnissamut periarfissat pillugit ilisimasaqarneranik ukioq manna aprilimi maajimilu misissuivoq. Inuit 18-it sinnerlugit ukiullit 713-it misissuinermi peqataapput, apeqqutinik assigiinngitsunik akissuteqarnermikkut, peqataasullu tunuliaqutaasa assigiinngiiaarnerisa katiternerat innuttaasunut tamanut sinniisaasinnaanerat qulakkeerqarsimavoq.

Nalunaarusiaq tunuliaqutigalugu MIO tusagassiorfinnut nalunaaruteqarnermini meeqqanut illersuisoq inernilivoq "*Inersimasut akornanni tarnikkut ajornartorsiuteqartut paquminartinneqangaatsiarput paasinnittoqarpiaranilu, taamammatt meeqqat inuusuttullu tarnikkut ikiortariallit annertuumik eqqugaasarput*". Meeqqat illersuisuata nalilerpaa inersimasut akornanni annertuumik kanngugineqartoq, eqqartussallugu annilaangagineqarluni tarnikkullu atugarliorneq paasisimasaqarfigineqarpianngitsoq, tamannalu meeqqat inuusuttullu tarnikkut ikiortariallit ikiorneqanngitsooratarsinnaaneraniq ulorianaateqartoq. Taamaattumik sammisaq pillugu ammanerulertariaqartugut kiisalu tarnikkut ikiorserneqarsinnaaneq suunersoq pillugu ilisimasaqarnerusariaqartugut taamaasiornikkullu ikiorsiisarneq meeqqanut inuusuttunullu tikikkuminarnerulernissaa anguneqassasoq, meeqqanut illersuisoq isumaqarpoq.

Nalunaarusiaq tunuliaqutaralugu MIO ukuninnga innersuussuteqarpoq:

- MIO'p innersuussutaa tassaavoq kommunini tarnikkut ikiuineq malunnaatilimmik naalakkersuinnikkut pingartinneqarnerusariaqalersoq, tamatumani ilanngullugit Namminersornerusut suliniutaat. MIO'p innersuussutai tunngavilersorneqarput Isumaqaatigiissummi 39-mi "Meeqqat pisinnaatitaaffii timikkut aamma tarnikkut katsorsartissinnaasut".
- MIO'p innersuussutaa tassaavoq, tarnikkut nappaatit ammanerusumik oqaluuserisariaqarivut, tamannami misissuinermi akissuteqartut oqaatigivaat, tarnikkut nappaatit tarnikkullu peqqissuuneq oqaloqatigiinnissamik aallarniutaasinnaammat.
- MIO'p innersuuppaataaq, makkua misissuiffigineqartunit oqaatigineqarsimasut oqaluusereqqullugit:
 - Tarnikkut nappaateqarneq timikkut nappaateqarnermiit kanngunarnerusoq Meeqqanut inuusuttunullu ikiortariallinnut periarfissaasut ikippallaarneri

Timikkut nappaatinut paasinninneq annertunerusartoq tarnikkut nappaatilinnut naleqqiullugu

Tarnikkut peqqissuseq timikkut peqqissusertut pingaaruteqartigisoq

Inuusuttut utoqaanerusuniit ikiortissarsiullaqqinnerummata

Ikiortinnissamik periarfissamik ilisimasat allanit annertunerusarmata, tarnikkut nappaatit pillugit nammineq ilisimasariakkanut naleqqiullugu

Atuilluartuunissakkut kingunerisinnaasai

MIO'p innersuussutai piviusunngortinnerani meeqqat inuusuttullu akornanni tarnikkut erloqissuteqarnerit ukkatarineqarnerulissapput, taamaattoqarneratigullu inersimasut meeqqanik inuusuttunillu ulluinnarni peqateqartartut tarnimikkut ikiorsigassanut eqqummaarinnerulernissaannik aqqutissiueqataassaaq.

Aningaasaqarnikkut allaffissornikkullu kingunerisinaasai

Nalunaarusiaq aningaasaqarnikkut allaffissornikkullu kinguneqarnissaa naatsorsuutigineqanngilaq.

Allaffeqarfiup naliliinera

Nalunaarusiaq suliniutinut tarnikkut ikiorsiinissamut tunngassuteqartunut aallaavigineqarsinnaavoq, inuiaqatigiit akornanni tarnikkut erloqissutit pillugit isumaat ersarissarluarmagu aamma inuit qassit tarnimikkut erloqinartorsiortut amerlassusiinik ersarissaalluarmat.

Taamatuttaaq inuiaqatigiit assigiinngitsumik inissisimasut ukiut, suaassuseq, najugaqarfik, nunami immikkoortortaq suliffillu aallaavigalugit agguataarneqartut isumaanik kiisalu isumaasa assigiinngissusaanik paasissutissiilluarpoq.

Innersuussut

Atugarissaarnermut Immikkoortortaqarfiup Atugarissaarnermut Ataatsimiititaliamut innersuussutigaa:

- Innuttaasut tarnikkut ikiortinnissaminnut periarfissaminnik ilisimasaat pillugu nalunaarusiap ilisimatitsissutigineqarnera tusaatissatut tigussagaat.

Aalajangiineq

Innersuussutigineqartoq tusaatissatut tiguneqarpoq, suliarlu paasissutissiissutitut Kommunalbestyrelse-imut ingerlateqqinneqassaaq.

Ilanngussat

1. Innuttaasut tarnikkut ikiortinnissaminnut periarfissaminnik ilisimasaat pillugu MIO'p nalunaarusiaa
2. Pappiaaraq paasissutissanik imalik aamma MIO'p innersuussutai
3. Nalunaarusiaq tunuliaqataralugu MIO'p tusagassiorfinnut nalunaarutaa

**Imm. 6.5 Pisortanit ikiorsiissutit pillugit Inatsisartut inatsisissaanut siunnersuummut
tusarniaassut pillugu akissummut ilisimatitsineq**

Journalnr. 41.00

Tunuliaqutaq

Isumaginninnermut, Ilaqutariinnut Inatsisinillu Atuutsitsinnermut Naalakkersuisoqarfiup “Uunga siunnersuummik tusarniaanermut tunngasoq: Pisortanit ikiorsiissutit pillugit Inatsisartut inatsisaat nr. xx, xx xxx 2021-meersoq” Qeqqata Kommunanut tusarniaassutigalugu nassiuppaa ulloq 27. august 2021.

Maleruagassatigut tunngavissat

Pisortanit ikiorsiissutit pillugit Inatsisartut peqqussutaat nr. 15, 20. november 2006-imeersoq

Pissutit atuuttut

Pisortanit ikiorsiissutit aaqqissuussiffigeqqinnissaat pillugit siunnersuut 2020-2022-mi Naalakkersuisut naalakkersuisoqarfiitakornini suliniutit nammineq pilersorsinnaanerulernermut atatillugu atuutitsilernerisa ilaattut isigineqassaaq. Innuttaasuni piitsuussuseq annikillisarniarlugu innuttaasup inuunermi atugarisaanik pitsanngorsaaniissamut aamma kajumissuseqalernissaanut aaqqissuusseqqinnermi innuttaasoq periarfissinneqarnissaa siunertaavoq.

Pisortat ikiorsiissutaannik aaqqissuusseqqinneq ilinniartitaanikkut, suliffeqarnikkut akileraartarnikkullu aaqqissuusseqqinnissamut tunngatillugu annertunerusumik ataqatigiissaarinnissaq siunertaavoq, aaqqissuusseqqinnikkullu suliaasaqartitsinerup siuarsarnissaanut imminullu pilersornerup annertunerulernissaanut pingaarutilerujussuarnik sunniivigeqatigeqatigiinnissaq qulakkeerneqassaaq.

Maannakkut pisortanit ikiorsiisarnermut peqqussut atuuttoq arlalippassuartigut unammilligassaqarpoq aalajangersagarpaaluillu ullutsinnut naleqqukkunnaarsimallutik.

Maannakkut pisortanit ikiorsiissutinut aaqqissuussineq maannakkut atuuttoq piffissami sivitsulersumi arlalinnillu isornartorsiorneqartarsimavoq. Pisortanit ikiorsiissutinut tunngatillugu sunniivigeqatigiittarnerup ajornartorsiorfiusarsimanagera ilaatigut Akileraartarnermut Atugarissaarnermullu Isumalioqatigiissitamit aamma Kalaallit Nunaanni Aningaasaqarnermut Siunnersuisoqatigiinnit isornartorsiorneqartarsimavoq. Inuit ilaat pisortanit ikiorsiissutinik pisartagaqarunnaarlutik nalinginnaasumik suliffissarsiornissaasa ilinniakkamilluunniit aallartitsinnissaasa imminut akilersinnaannginnera ataqatigiissutsikkut ajornartorsiutinik taaneqartarpoq.

Atuilluartuunissakkut kingunerisinnaasai

Aaqqissuusseqqinneq siunertamisut ingerlassappat, ikiorsiissutinik tiguisartut inuunermikkut atugarisamikkut pitsanngorsaaniissamut akisussaassuseqalernissaanut piumassuseqarnerulersitsineq nassatarissavaa. Kommuuni isumaqarpoq ikiorsiissutinik tiguisartunut neqeroorutit innersuunneqarsinnaasut amerlanerusariaqartut, aaqqissuusseqqinnerup siunertaa piviusunngortinniarlugu kiisalu ikiorsiissutinik tiguisartut ajornartorsiutigikkajuttagaat pisariullutillu taputartuuttut qaangerniassallugit.

Pisortanit ikiorsiissutit aaqqissuusseqqiffigineranni tunniunneqartartut ilusaannut, sulianik suliarinnittarnermut, sullitassanut suliniutissanullu atatillugu suleqatigiinnissami ajornartorsiutit

arlallit samminiarnearput. Ilaatigut ikiorsiissutinik pisartut suliffeqarfinnut attuumanerat nukittorsarniarneqarmat, piffissaq ungasinnerusoq eqqarsaatigalugu ikiorsiissutinik pisartagallit imminut pilersorsinnaanissamut kajumissusaat qaffassarnissaat siunertanut ilaalluni. Tamanna anguniarlugu ilaatigut ikiorsiissutinik pisartagallit tamanut isiginnittumik suliniuteqartarnissaq, periusissianillu suliassaqarfiit akimorlugit ingerlasussanik peqalernissaa piumasaqaataalissaaq. Anguniagaq anguniarlugu ilaatigut sullissisut akimortumik tamakkiisumillu isigisumik suliniuteqartarnissaannik piumaffigineqalissapput, suliffeqarneq imminullu pilersorsinnaanerup qaffassarnissaa siunertarlugu.

Aningaasaqarnikkut allaffissornikkullu kingunerisinaasai

Tusarniummut akissut aningaasaqarnikkut kinguneqarnissaa naatsorsuutigineqanngilaq.

Allaffeqarfiup naliliinera

Qeqqata Kommunia imaattumik tusarniaanermut akissuteqarpoq:

“Qeqqata Kommuniata iluarisimaarpaa Naalackersuisut, pisortanit ikiorsiissutit aaqqissuusseqqiffiginerini suleqatigiinnissami ajornartorsiutit iluarsiiiffiginiarmatigit, ikiorsiissutinillu pisartagallit sulinissaminnut kajuminnerulernissaat annerulersinniarlugu aaqqissuusseqqimmat.

Kommuunilli misilittagaraa pisortanit ikiorsiissutinik pisartagallit amerlanerpaartaat timikkut, tarnikkut inuttulluunniit ajornartorsiutaat annertungaarmata, ullup ilaannaani sulisinnaaner at killeqartartoq. Kommuunimi sullissisut, piffissami matumani taamaallaat neqeroorutigisinnaavaat Allorfimmi atornerluinermik katsorsaaneq, ilaqutariinnut meerartalinnuinaq Ilaqutariinni sullissivimmi oqimaatsut pillugit siunnersorneqarneq, kiisalu Pissassarfimmum innersuusseqqineq (taamaallaat innuttaasunut innarluutilinnut inatsimmut ilaasunut neqeroorutigineqartartoq).

Neqeroorutinik amerlanerusunik kommuuni pisariaqartitsivoq, pisortanit ikiorsiissutinik pisartut, ilungersunartunik qaleriiaanillu unammilligassaqartartut ikiorsinnaajumallugit. Qeqqata Kommuniata taamaattumik Naalackersuisut kaammattorusuppaat pisortanit ikiorsiissutinut aaqqissuusseqqinnerup siunertaa piviusunngortinniarlugu, kommuuninut aningaasatigit taperseeqqullugit.

Qulaani eqqaaneqartut saniatigit kommuuni pargraffinut ataasiakkaanut ukuningga oqaaseqaatissaqarpoq:

§15-imut: Kommuunip ullumikkut pisortat immikkoortortai assigiinngitsut ilaatigut Ilaqutariinnut Kiffartuussivik, Majoriaq, Peqqinnissaqarfik il.il. akimortumik suleqatigisat suleqatigillualereersimavai, taamaattumik qaninnerusumik suleqatigiinneq pioreersup ingerlatiinnarneqarnissaa kissaatigaa, taamaammallu allanik suleqatigiinnik pilersitsinissaq pisariaqarsorinngilaa.

§17-imut: Inatsimmi atuuttumi iliuusissatut pilersaarusiassap sunik imaqaarnissaa ersarissumik allattorsimaffimmik peqarpoq, taamaattorli inatsimmut siunnersuummi nutaami nassuiaataanilu iliuusissatut pilersaarutissap sunik imaqaarnissaanik allattorsimaffimmik soqanngilaq. Kommuniup Naalackersuisut kaammattorusuppaat sukumiinerusunik inatsisinik pilersitseqqullugit, iliuusissatut pilersaarutip sunik imaqaarnissaanik ersarissaasumik, pisortanik ikiorsiissutinik suliat ataqatigiittumik assigiissaartumillu sullinneqartarnissaat siunertarlugu.

§19-imut: Piffissami matumani kommune majoriarlu innuttaasunik piginnaanngorsaaqqinnissaq siunertarlugu, siusinaartumik pensionisarneq pillugu immikkoortortaqaqarfimmi suleqatigiipput.

Tamatumani Majoriap akisussaaffigaa siusinaartumik pensionisiallit suliffeqarfinnut attaveqarnissaat isumagissallugu, atorfirmik misiliinissaq piginnaangorsaanissarlu siunertaralugu. Kommuni isumaqarpoq sulianik agguataarineq pioreersoq suliassaqaarfinni assigiinngitsuni attatiinnarneqassasoq, taamaasiornikkut pisortani immikkoortortat assigiinngitsut suliassaqaarfiit suut akisussaaffigineraat ersarinnera attatiinnarniarlugu.

Taamaattumik kommuni isumaqarpoq Majoriaq ikiorsiissutinik pisartagalinnut nammineq piumasuseq malillugu sulisumut isumaqatigiissusiornissaanik ikuuttussatut inissisimanissaa pissusissamisoortoq, Majoriap suliffeqarfinnut attaveqarnera pioreermat.

§22-mut: Tunngaviusumik akigititaq qaammammut 4.500kr.-usoq aningaasartuutitut aalajangersimasunut allanngorartunullu ilaatigut ineqarnermut, nerisassanut, atisanut il. II. naammannissaat kommunip qularivaa, ullumikkut nunatsinni akigititat taamatut isikkoqartillugit. Tassunga atatillugu Qeqqata Kommuniata paaserusuppaa, qaammammut akigititaq suut uuttuutit atorlugit naatsersorneqarsimanersoq.

§§24 – 26-mut: Iliuusissatut pilersaarummi aalajangiunneqartutut sammisani ikiorsiissutinik pisartagalik nammineerluni peqataasimappat, aaqqissuusseqqinnerup kingorna tunngaviusumik akigititap qaavatigut tapisisalernissaa siunertaavoq. Kommunip tunngaviusumik siunertarineqartoq nuannaarutigaa, taamaasiornikkut pisortanit ikiorsiissutinik pisartut sullinneqarnermini kiisalu suliffeqarfinnut attuumassuteqalernissaaq annertusarniarlugu kajumissuseqalersitsissamat. Taamaattorli kommunip allaffissornikkut tapisiat assigiinngitsut tapiliussatut tunniuteriarlugit allatigut aningaasarsianik ilanngaassuisalernissamik oqariartuut tapersinngilaa, assersuutigalugu pineqartoq aapparisaaluunniit isertitaqarsimappat. Tamanna ikiorsiissutip annertussusianut naleqqiullugu, allaffissornikkut annertuumik suliaqarnissamik nassataqassamat.

§53, imm. 3-mut: Inatsit massakut atuuttoq naapertorlugu kommunalbestyrelsi taamaallaat immikkut pisoqartillugu ikiorsiissutisialernermit ukiup ataatsip qaangiunnerani aalajangiisinnaavoq ikiorsiissutigisap utertitassanngorsimanera atorunnaassasoq. Taamaattorli inatsimmut siunnersuummi siunnersuutigineqarpoq pisortanit ikiorsiissutit utertinneqarnissaannik piunasaqarneq, tunniunneqartut ukiut marluk qaangiunnerisigut automatiskimik atorunnaartassasoq.

Uterinneqarnissaanik piunasaqarneq nammineerluni ukiut marluk qaangiunnerisigut atorunnaartassappata, kommunip ernummatigaa innuttaasut ilaasa pisortanit ikiorsiissutit atornerlunnissaanik siunertaqarsinnaanerat. Kommunip tamanna peqqutigalugu Naalakkersuisut kaammattorusuppaat paragrafimi immikkoortoq 3 atuuttoq attatiinnaqqullugu, utertitsinissamik piunasaqaatip taamaallaat immikkut pisoqartillugu kommunalbestyrelsip aalajangiineratigut atorunnaarsinnaanera attatiinnaqqullugu.

Qeqqata Kommuniata kaammattuutigerusuppaa aaqqissuusseqqinneq atuutilersinnagu Naalakkersuisut kommuunit sullissisuinik paasissutissiisumik pikkorissartitsinermik ingerlatseqqullugit, inatsisip atuutilertussap imarisaanik assigiiartumik paasinninnissaq siunertaralugu.

Tusarniaanermut akissut allaffissornikkut suliarineqarpoq.”

Innersuussut

Atugarissaarnermut Immikkoortorta qarfiup Atugarissaarnermut Ataatsimiititaliamut innersuussutigaa:

- “Uunga siunnersuut: Pisortanit ikiorsiissutit pillugit Inatsisartut inatsisaat nr. xx, xx. xxx-meersoq” tusarniaavigineqarnerani akissummut paasisutissiineq tusaatissatut tiguneqassasoq.

Aalajangiineq

Innersuussutigineqartoq tusaatissatut tiguneqarpoq.

Ilanngussat

1. “Uunga siunnersuut: Pisortanit ikiorsiissutit pillugit Inatsisartut inatsisaat nr. xx, xx. xxx-meersoq” pillugu tusarniaanermut allagaq
2. Uunga siunnersuut: Pisortanit ikiorsiissutit pillugit Inatsisartut inatsisaat nr. xx, xx. xxx-meersoq
3. “Uunga siunnersuut: Pisortanit ikiorsiissutit pillugit Inatsisartut inatsisaat nr. xx, xx. xxx-meersoq” pillugu oqaaseqaatit naliginnaasut

Imm. 6.6 Suliffissarsiornermi ikiorsiissutitut Inatsisartut inatsisissaanut siunnersuut pillugu tusarniaanermi akissuteqaat pillugu ilisimatitsineq

Journalnr. XX.XX.XX

Tunuliaqutaq

Isumaginninnermut Sulisoqarnermullu Naalakkersuisoqarfiup “Suliffissarsiortunut ikiorsiissutit pillugit Inatsisartut inatsisaat nr. xx ulloq xx. 2022-meersoq” Qeqqata Kommunianut tusarniaassutigalugu nassiuppaa ulloq 27. august 2021.

Maleruagassatigut tunngavissat

Suliffeerunnermi ikiorsiissutit pillugit Inatsisartut inatsisaat nr. 2, 15. Maj 2014-imeersoq

Pissutit atuuttut

Susasaqarfiup aqqissuuteqinneratigut Suliffissarsiornermi ikiorsiissutitut inatsisip Suliffeerunnermi ikiorsiissutitut inatsit ullumikkut atuuttoq taarsissavaa, amerlanerpaat sulilernissaat taamaasiornikkullu inuiaanni kivitseqataanissaat anguniarlugu. Aqqissuusseqqinnermi pisartagaqartoq piareersimasussaatitaanermut pisussaaffeqalissaaq suliffeqarfimmut suliffissanut innersuunneqarnermini, suliffeqalernissamut sungiusarnissamik neqeroorfigitinnermini, piginnaangorsarnissamut neqeroorfigitinnermini il.il. Pisartagaqartoq piareersimasussaatitaanini piviusunnngortissimanngippagu kinguneqartinneqassaaq pisartakkat sapaatit akunnerini sisamani affaannangortinneqarneranik. Piareersimasussaatitaaneq sisamariarluni sumiginnaruniuk suliffeqarnissaminut piareersimannngitsutut nalilerneqassaaq, taamaasinikkullu Isumaginnittoqarfimmut pisortat ikiorsiissutaannik pineqartoq qinnuteqassalluni.

Ullumikkut inatsisit atuuttut killormoortuanik pisartagalimmut iliuusissatut pilersaarusiornissaaq pisinnaatitaaffiunnarani piumasaaqatinnngussaaq, pisartagaqartorlu peqatigalugu ataavartumik nalilersorneqartarlunilu nalimmassartuarnissaa isumagineqassaaq.

Iliuusissatut pilersaarut tamakkiisumik isiginnittuussaaq taamaattumillu aamma pineqartup ilaqutaqarnikkut, ineqarnikkut, peqqissutsikkut allatigullu inissisimaneramik aallaaveqartumik suliffissaqarnikkut periarfissai ujartorneqassallutik. Iliuusissatut pilersaarutip pisartagallip suliffissaqarnikkut periarfissai pitsannngorsarnissaanik ujartuissaaq, pineqartullu suliffeqarfimmut attuumassuteqarnera nukittorsarlugu ilumoorsaartunik anguniagassiornikkut sammisassalersorneratigullu soorlu piginnaangorsaanikkut assigisaanilluunniit.

Suliffeerunnermi pisartagaqarnerup killormoortuanik suliffissarsiornermi pisartagaqarneq piffissamik killiligaanngilaq, taamaattorli pisartakkap angissusaa SIK-ip tiimimut akissarsiaritittagaa minnerpaap 90 procentiatut atsigisoq 80 procentianut appassaaq sapaatip akunneri 26-t qaangiusimalerpata, 65 procentimullu aamma appaqqissalluni suliffissarsiorluni pisartagaqarnerup ukioq ataaseq nallerpagu.

Atuilluatuunissakkut kingunerisinnaasai

Inatsisissamut allannguutissap siunertarisaa aallaavigalugu piviusunnngortinneqassappat pisartagallit tulluarsaatigiissitaq 1-imiittut ujartuisumik sullinneqarnermikkut suliffeqarfimmut attuumassuteqarnerulerunik uummaarinnerulissapput, ulluinnartik patajaannerulersissavaat, inuunermi sapiissuseqarnerulissapput il.il. Nassatarisaanillu pisartagallit ilaqutaat ilagisartagaallu pitsaanerusumik inooriaaseqalernerannik peqqinnerunerannillu kinguneqassangatinneqarpoq.

Aningaasaqarnikkut allaffissornikkullu kingunerisinaasai

Tusarniummut akissut aningaasaqarnikkut kinguneqarnissaa naatsorsuutigineqanngilaq.

Allaffeqarfiup naliliinera

Qeqqata Kommunia imaattumik tusarniaanermut akissuteqarpoq:

“Qeqqata Kommuniata iluarisimaarpaa innuttaasut suliffissaaleqisutut inissisimasut inissisimanerminnut annertunerusumik akisussaaffilersorneqarnissaannik, kiisalu inissisimanertik nammineerlutik pitsanngorsarnissaanut pisussaaffilerneqarnissaannik siunnersuutigineqarmat. Kommunip siunnersuut pisariaqartutut isigivaa, qilanaaralugulu innuttaasunut tamaginnut suliffissaaleqisutullu inissisimasunut iluaqutaasussanngorlugu, inatsisissap piviusunngortinnissaa.

Inatsissamili siunnersuummi kapitali 7 itisilerneqarnissaa, suliffissaaleqisutut inissisimasut piareersimanngikkunik sunik kinguneqarsinnaanerit ersarinnerusumik allassimanissaa pisariaqarsorinarpoq. Pingaaruteqarpoq inatsimmi ersarissumik allassimanissaa, suliffissaaleqisutut inissisimasooq oqaloqatiginninnissamut imaluunniit pineqartup periusissiatut ilitersuutaani suliniutinut allassimasuni peqataangiivikkuni, sunik kinguneqarsinnaanersoq.

Taamatuttaaq inatsimmut siunnersuummi kiisalu nalunaarutini naliginnaasuni atuutilerfissatut ullugitineqartut qallunaatuuanni assigiinngimmata, kukkunerup iluarsinissaa Naalackersuisoqarfimmut kaammattuutigarpur.

Pingajuattut kaammattuutigerusupparput ullumikkut kommunini ullut aningaasarsiffiutinneqartartut, imaappooq ullut 14-inikkaarlugit aningaasarsisarnerit malillugit, suliffissarsiornermut ikiorsiissutit akilerneqartarnissaat. Suliffissarsiornermut ikiorsiissutit assigiinngitsorpassuartigut allaffissornerulernermik kinguneqartussaammatt assersuutigalugu suliffissarsiorortoq piffissap ilaa sulisarsimappat ilassutisiaqarsinnaanera naatsorsorneqartussaavoq, assigiinngitsullu aamma suliffissarsiorortunut ikiorsiissutinut attuumassutillit naatsorsorneqartussaallutik. Suliffissarsiorortunut ikiorsiissutit kommunimi aningaasarsiat allat ingerlasut malillugit akilerneqartarpata sulisutsinnut oqinnerunissaa siunertaralugu taamatut kaammattuuteqarpugut. Kommune siunnersuut pillugu allanik oqaaseqaatissaqanngilaq. Tusarniaanermut akissut allaffissornikkut suliarineqarpoq.”

Innersuussut

Atugarissaarnermut Immikkoortortaqarfiup Atugarissaarnermut Ataatsimiititaliamut innersuussutigaa:

- “Suliffissarsiorortunut ikiorsiissutit pillugit Inatsisartut inatsisaat nr. xx ulloq xx. 2022-meersoq” tusarniaavigineqarnerani akissummut paasissutissiineq tusaatissatut tiguneqassasoq.

Aalajangiineq

Innersuussutigineqartoq tusaatissatut tiguneqarpoq.

Aqqalu Skiftep siunnersuutigaa suliffissarsiorortut pillugit kajumissaarutininik isiginnaagassiaarannguanik naatsunik suliaqartoqarsinnaasoq tamannalu pisortaasut suleqatigiinnut ingerlateqqissavaat.

Ilanngussat

1. Suliffissarsiorortunut ikiorsiissutit pillugit Inatsisartut inatsisaat nr. xx ulloq xx. 2022-meersoq
2. Siunnersuut pillugu oqaaseqaatit naliginnaasut
3. “Suliffissarsiorortunut ikiorsiissutit pillugit Inatsisartut inatsisaat nr. xx ulloq xx. 2022-meersoq” pillugu tusarniaanermut allagaq

Imm. 6.7 Isumaginninnermik suliaasaqarfimmi pissaanermik atuineq pillugu Inatsisartut inatsisissaanut siunnersuummut tusarniaassut pillugu akissummut ilisimatitsineq

Journalnr. 40

Tunuliaqutaq

Meeqqanut, Inuusuttunut Ilaqutariinnullu Naalakkersuisoqarfiup “Isumaginninnermik suliaasaqarfimmi pissaanermik atuineq pillugu Inatsisartut inatsisissaanut siunnersuut” Qeqqata Kommuniaut tusarniaassutigalugu nassiuppaa ulloq 10. september 2021.

Maleruagassatigut tunngavissat

Isumaginninnermik suliaasaqarfimmi pissaanermik atuineq pillugu Inatsisartut inatsisat nr. 1, 21. November 2013-meersoq

Pissutit atuuttut

Allannguutissatut siunnersuutip siunertaraa pissaanermik atuineq pillugu aaliangersakkat meeqqanut inersimasunullu tunngassuteqartut nutartissallugit, pisunilu qanoq atorneqarnissaat erseqqissarlugit. Inersimasut inissiisarfirmiitinnegarnissamut taarsiullugu allamut inissiineq aaliangersakkani atuuttuni ilaanngimmat ilutigisaanik aaliangersarneqarpoq kiisalu meeqqat paaqqinnittarfinni tigumigallarsinnaaneriniq periarfissat pitsanngorsarneqarput.

Allannguutissatut siunnersuummi immikkoortoq nutaaq ilanngunneqartoq tassaavoq inersimasut eqqartuunneqarnermikkut ulloq unnuarlu paaqqinnittarfinnut isumannaallisakkanut inissinneqarsimasut pillugit malittarisassiuunneqarnerat, ullumikkut aaliangersakkani sammisaq aaliangersarneqarsimangimmat.

Atuilluartuunissakkut kingunerisinnaasai

Inatsisitigut aaliangersakkat ataavartumik nutarterneqartuarnissaat pisariaqarpoq, sammisassaqarfiit assigiinnigitsut iluani ilisimasat ineriartortuarnerat peqqutigalugu, taakkulu aallaavigalugit aaliangersakkat atuuttut pitsanngorsartuarnissaat pisariaqarpoq.

Aningaasaqarnikkut allaffissornikkullu kingunerisinaasai

Tusarniummut akissut aningaasaqarnikkut kinguneqarnissaa naatsorsuutigineqanngilaq.

Allaffeqarfiup naliliinera

Qeqqata Kommuniamat imaattumik tusarniaanermut akissuteqarpoq:

“Siullertut Qeqqata Kommuniata Naalakkersuisoqarfik qutsavigerusuppaa inatsimmut allannguutissamut tusarniaaneranut.

Inatsisissamut siunnersuummi arlaleriarluni najugaqarfigisami kommuni akisussaasutut inissisimasunngorlugu aalajangersarneqarpoq, assersuutigalugu kalerrisaarutit sumiiffissiuutillu inunnut ataasiakkaanut atorneqarnissaanik qinnuteqarnermi aaliangiisussatut aamma naammagittaalliutinik suliaqartussatut.

Ulloq unnuarlu paaqqinnittarfinnit kiisalu angajoqqaatut akisussaasunit saaffiginnissutit kommunimi innuttaaffigisamit suliarineqartarnissaat pissusissamisoornerusoq kommunitta isumaqarfigaa.

Makku pequtigalugit:

- Innuttaaffimmi kommunip suliamut atatillugu paasissutissat pigigamik taamaasillutillu aamma pineqartup oqaluttuassartaanik ilisimasaqarnerugamik sullissineq ajornannginnerussamat.
- Pisariaqanngitsumik sullissinerup sivitsorneqarnissaa pinaveersaatinniarlugu, Qeqqata Kommunia isumaqarpoq meeraq imaluunniit inuk innarluutilik pillugu iliuusissanik aaliangiisussatut innuttaaffimmi kommuni aaliangiisussaviusoq. Najugaqarfimmi kommunip innuttaaffimmi kommunimut suliamut atatillugu paasissutissanik noqqaasariaqalertussaanerata, sullissinissaq sivitsortissammagu.
- Meeqqat inuillu innarluutillit ulloq unnuarlu paaqqinnittarfinnut inissinneqartartut sineriammit sumiiffinni assigiinngittuneertarmata, sumiiffiit ulloq unnuarlu paaqqinnittarfiuteqarnerusut, kommuninut ulloq unnuarlu paaqqinnittarfiuteqannginnerusunut sanilliullugit akisussaaffimmik annertunerusumik tigungmiaqalissammata. Taamaasilluni kommunit akornanni akisussaaffiit agguataarneri equngasumik inissitsitissapput, sullissisullu ullumikkut suliassanik nanertisimareersut annertunerusunik suliassaqalissallutik.
- Najugaqarfimmi kommuni meeqqanut inunnullu innarluutilinnut inissinneqarsimasunut, inatsimmi siunnersuummi suliassanik taakkartorneqartuni akisussaatinneqalissappat aningaasanut tunngasortaata qanoq aaqqiivigineqarnissaat qulaajarneqartariaqassaaq.

Kapitali 8, nalunaarsuineq nalunaarutiginninnermullu tunngatillugu Qeqqata Kommuniata apeqquserusuppaa, qanoq iliorluni meeraq illersorneqassanersoq, inatsisit naapertorlugit ulloq unnuarlu paaqqinnittarfinmi sulisut pissaanermik atuisimanermut nalunaarsuisimanngippata. Assersuutigalugu meeraq angajoqqaalluunniit akisussaasut ulloq unnuarlu paaqqinnittarfinmi pissaanermik atuisimasoqartillugu naammagittaalliorniarpata, tamannali nalunaarsorneqarsimanngippat – qanoq meeraq angajoqqaalluunniit akisussaasut inissisimassanersut inatsisit naapertorlugit. Tamanna ersarinnerusumik inatsisitigut allaaserineqarnissaa kommunimit kaammattuutigaarput.

Kommune siunnersuut pillugu allanik oqaaseqaatissaqanngilaq.

Tusarniaanermut akissut allaffissornikkut suliarineqarpoq.”

Innersuussut

Atugarissaarnermut Immikkoortortaqaarfiup Atugarissaarnermut Ataatsimiititaliamut innersuussutigaa:

- “Isumaginninnermik suliassaqarfimmi pissaanermik atuneq pillugu Inatsisartut inatsisaannut siunnersuut” tusarniaavigineqarnerani akissummut paasissutissiineq tusaatissatut tiguneqassasoq.

Aalajangiineq

Innersuussutigineqartoq tusaatissatut tiguneqarpoq.

Ilanngussat

1. Isumaginninnermik suliassaqarfimmi pissaanermik atuneq pillugu Inatsisartut inatsisaannut siunnersuut
2. “Isumaginninnermik suliassaqarfimmi pissaanermik atuneq pillugu Inatsisartut inatsisaannut siunnersuut” pillugu oqaaseqaatit nalinnaasut
3. “Isumaginninnermik suliassaqarfimmi pissaanermik atuneq pillugu Inatsisartut inatsisaannut siunnersuut” pillugu tusarniaanermut allagaq

Imm. 6.8 Politiit qaammarsaanut pillugu ilisimatitsineq

Journalnr. XX.XX.XX

Tunuliaqutaq

Kalaallit Nunaanni Politiit ilisimatitsilluni allagaq, meeqqamik kinguaassiutitigut atornerlunneqarsimasumik pasitsaassaqaartilluni sulisut qanoq iliornissaannik qaammarsaanut tunngassuteqartoq Qeqqata Kommuniannut nassiuppaat ulloq 17. november 2021.

Maleruagassatigut tunngavissat

Soqanngilaq

Pissutit atuuttut

Kinguaassiutitigut atornerlunneqarsimasut pillugit kisitsisit pisortanit ilisimaneqanngitsut qulaajarniarlugit Kalaallit Nunaanni Politiit ukiup siuliani suliniummik aallartitsippat, ilaatigut meeqqanut atornerluisoqarsimatillugu politiinut unnerluussinissamat aporfiusinnaasut pillugit nalunaarusiornikkut. Taassumap kingorna qaammarsaanut "Kinguaassiutitigut atornerluinerit unitsitsigit – ikiussavatsigit"-mik qulequtserlugu aallarnisaappat, kinguaassiutitigut atornerluinerit politiinut qanoq unnerluutigineqassanersut paasititsiniaanissamik siunertalimmik, misissuinerit takutimmasuk qanoq kinguaassiutitigut atornerluinerit unnerluutigineqassanersut naliginnaasumik nalornissutigineqartarnera. Qaammarsaanut ilaatigut filmiaqqakkut Kalaallit Nunaata Radioatigut ingerlanneqarput, politiillu atuarfinni klassinut aamma pulaarnerit ingerlassimallugit filmeeqqat takutinnissaa kinguaassiutitigullu atornerluinerit pillugit oqaloqatigiinnissaq siunertaralugu.

Massakkut Kalaallit Nunaanni Politiit qaammarsaaneq KNR-ikkut, inuit attaveqartarfiisigut, politiit nittartagaatigut, raatiukkut aallakaatinneqartumik il.il. ingerlanneqartumik saqqummiippat, sulisut ulluinnarni meeqqanik sullitaqartut meeqqamik kinguaassiutitigut atornerlunneqarsimasumik pasitsaassaqaarunik qanoq iliornissaannik paasititsiniaasumik.

Atuilluatuunissakkut kingunerisinnaasai

Qaammarsaanut sammasap paqumigineqarneranik allanngueqataasinnaavoq, innuttaasut sammisaq pillugu ajornannginnerusumik oqaloqatigiinnissaanilinnissaannik aqutissiveqataasumik, unnerluussinernillu amerlanerusunik ilaatigut kinguneqaratarsinnaasumik. Unnerluussinert amerlaningorpata ilutigisaanik atornerlunneqarsimasut amerlanerusut ikiorneqarnissaannik neqeroorfigineqarsinnaalissappat, kisimiillutik anniaatertik nammatarinnaarniassammasuk inissisimanertillu qanoq iliuuseqarfigisinnaaneranik sakkussaminnik tunineqarlutik.

Sulisunik ukkataqartumik qaammarsaanut sammasap ukkatarineqarnerulernissaanik aqutissiveqataasumik, sulisullu ulluinnarni meeqqanik peqateqartut ilisimasaqarnerulissappat suut eqqumaffigissanerlugit, meeqqamullu atornerluisoqarsimaneranik pasitsaassaqaarunik qanoq iliornissartik ilisimalissavaat.

Inuit kinguaassiutitigut atornerlunneqarsimasut inuunerup ilaani kingunerlutsitsisinnaappat inuunerisa pitsaassusaanik akornusiisumik, taamaattoqarnera atornerluilernerimik, pinerlunnialernerimik kinguneqarsinnaavoq, kinguaariinnullu ingerlaqqittumik kingunerluuteqarsinnaalluni. Inuit kinguaassiutitigut atornerlunneqarsimasut ikiorneqarnissaannik neqeroorfigineratigut kinguaariinnut ingerlaqqittarnera unitsinniarneqarsinnaavoq, taamaattoqassappalli atornerlunneqarsimasooq paqumisunneq killilerlugu ammartariaqarpoq, taannalu paqumisuttarneq qaammarsaannikkut kipitinniarneqarsinnaavoq. Aammattaaq meeqqap

avatangiisianiittut ersiutaasinnaasut maluginiarnissaannut eqqummaarinnerunissaat kiisalu meeqqamik atornerlunneqarsimasumik pasitsaassaqaarnermi qanoq iliornissartik ilisimasaqarnissaat pisariaqarpoq.

Aningaasaqarnikkut allaffissornikkullu kingunerisinaasai

Ilisimatitsinerup aningaasaqarnikkut kinguneqarnissaa naatsorsuutigineqanngilaq.

Allaffeqarfiup naliliinera

Meeqqamik inuusuttumilluunniit kinguaassiutitigut kannguttaattuliorfigitissimasumik pasitsaassaqaarnermi meeqqanik inuusuttunillu qanimut sullissisut ilisiuusissatik ilisimaarilluarnissaat pingaaruteqartorujussuuvoq, taamaattumik allaffeqarfiup nalilerpaa massakkut inissisimanerput eqqarsaatigalugu qaammarsaanerit pisariaqartorujussuusut. Pisariaqarpoq meeqqanik inuusuttunillu sullissisut nutaat tamarmik pasitsaassinermi iliuseqarnissamut sakkussaannik tuniorarneqartarnissaat, kiisalu sullissisut ataavartumik sammisaaq pillugu pikkorissarneqartarnissaat meeqqat inuusuttullu ikiorneqarnissaat qulakkeerniarlugu taamaasiornikkullu sapinngisamik kingunerluuteqartoqarnissaa pinaveersaartinniarlugu.

Innersuussut

Atugarissaarnermut Immikkoortortaqaarfiup Atugarissaarnermut Ataatsimiititaliamut innersuussutigaa:

1. Politiinit qaammarsaaneq pillugu paasissutissiilluni allagaq pillugu paasissutissiineq tusaatissatut tiguneqassasoq.

Aalajangiineq

Innersuussutigineqartoq tusaatissatut tiguneqarpoq.

Ilanngussat

1. Politiinit paasissutissiilluni allagaq

08. Tamalaat

Imm. 8.1 Tamalaat

Soqanngilaq.